

LE PROCES VERBAL
FAICT PAR ORDON-
nance de la Court de Parlemér,
de l'execution de l'Arrest don-
né le sixiesme iour de Iuin der-
nier passé, touchant les articles
& la profession de foy d'icelle
Court.



A PARIS, M. D. LXII.

Chez Guillaume Morel imprimeur
du Roy nostre Sire.

PAR PRIVILEGE DV DICT
Seigneur, & de la Court.

THE NEWBERRY
LIBRARY

Case

F

39

326

1562 ff

EXTRAICT DES Registres de Parlement.

LA COURT a permis & permet à Guillaume Morel imprimeur du Roy, imprimer le Proces verbal faict par ordonnance d'icelle, de l'exécution de l'Arrest donné le sixiesme iour de ce mois, toutes les chambres assemblées: & faict inhibitions & defences à tous autres Imprimeurs & Libraires de ce ressort, de imprimer ne exposer en vente ledict Proces verbal, sans le congé & permission dudit Morel, sur peine de confiscation de ceux qui autrement se trouueroient imprimez, & d'amende arbitraire. Faict en Parlement le quinziemesme iour de Iuin, l'an mil cinq cens soixantedeux.

Collation est faicte.

DV TILLET.

EXTRAICT DES
Registres du Parlement.

LA COURT a permis & permet à
Guillaume Morel imprimeur du Roy, imprimer le Procès verbal fait par ordonnance de
celle de l'exécution de l'Arrêt donné le sixième
mois de ce mois, toutes les chambres assem-
blées & faire inscriptions & doctes à tous au-
tres imprimeurs & Libraires de se faire de
imprimer ne exposer en vente aucun Procès
verbal, sans le congé & permission dudit Morel
rel sur peine de confiscation de tous ses livres,
sont le mouchoir imprimé & de l'arrêté de
rapporté. Fait au Parlement le quatorzième
jour de mai l'an mil six cent cinquante deux
Collation en original.

DU T. L. L. E. T.



EN EXECVTANT
l'Arrest de la Court
de Parlement don-
né le sixiesme iour
de ce moys , toutes
les chambres d'icelle assemblées
le mardy neufliesme iour dudict
moys, icelles chambres assemblées
les lettres patêtes du feu Roy Fran-
çoys (que Dieu absolve) & forme
de profession de foy cy apres inse-
rées , ont esté leuës à huys clos.
Après , messieurs les aduocats &
procureur general du Roy ont pre-
senté la substitution des vicaires
de mōsieur l'Euesque de Paris: aus-

A

si cy apres inserée, qui a semblable-
ment esté leuë. Ce faict, ont esté
nommez par l'ordre de la matricu-
le de ladiète court, les officiers d'i-
celle, & chacun des presens s'est le-
ué de sa place, & en la presence des
deux substituez desdicts vicaires,
est allé faire sadiète profession de
foy, selon son ranc, mettât la main
sur vn tableau ouquel l'effigie de
nostre sauueur I E S V C H R I S T
en la croix est peincte, & le com-
mencement del'Euangile S. Iehan
escript: premierement monsieur le
premier President es mains de mō
sieur le President saint André, te-
nant ledict tableau, lequel incon-
tinent apres il luy a baillé, & tous
les autres ont faict leurdictē profes-
sion es mains dudiēt sieur premier

President, & chacun l'a signée de
sa main. Apres messieurs les six pre
sidents, ya eu deux de messieurs les
maistres des requestes de l'hostel,
cent sept Cōseillers, lesdicts aduo
cats & procureur general du Roy,
deux greffiers, deux des quatre
notaires, & le ieune greffier civil
pourueu & receu à suruiuāce desō
pere & de luy, qui font en tout le
nombre de six vingts trois, sans les
absens pour maladie ou autre em
peschement. Apres à la promo
tiō desdicts gens du Roy, mondict
sieur le premier President a exhor
ré & admonesté la compagnée, ob
server & garder la profelsion que
chacun d'icelle venoit de faire, nō
seulement ou Palais en opinant ou
autrement faisant son office, mais

par tout ailleurs, singulierement
en sa maison.

Le Mercredy dixiesme iour dudict mois au matin à huys clos, l'un de mesieurs les maistres des Requestes de l'hostel du Roy, & le greffier de ladicte Court le iour d'hier defaillant, feirent es mains dudict sieur premier president, & signerent leur profession de foy. Tost apres furent leuës aux huiffiers & clerks des greffes de ladicte court lesdictes lettres patentes du Roy François, les articles de ladicte faculté traduits en vulgaire pour ceulx qui n'entendent Latin, & la forme de profession de foy, ensemble les noms desdicts huiffiers & clerks, chacun desquels fit ladicte profession es mains dudict

sieur premier President tenāt le tableau susdict, & lá signa le tout en la presence de l'un des substituez par lesdicts vicaires dudit sieur Euesque de Paris. Se trouuerēt dix-sept huissiers & vingtcinq clerks desdicts greffes sans les absens pour maladie ou empeschement. Ce faict, furēt appelez aduocats, & à huys ouuerts faicte lecture desdicts arrest du sixiesme de ce mois, lettres patētes dudit Roy François, & articles de ladicte faculté traduits en vulgaire, avec la forme de profession desdicts aduocats & procureurs: et mōsieur maître Gilles Bourdin procureur general du Roy en ladicte court deit ce qui ensuyt.

Bourdin Procureur general du

» Roy dit, que la Court cognoissant
» la varieté & diuersité de religion,
» contrarieté d'opinions, desquelles
» l'estat public, qui consiste principa-
» lement in sacris, est à son tresgrād
» regret miserablement trauaillé &
» perturbé: & desirāt sur toutes cho-
» ses par sa prudence & equité acou-
» stumée reduire les pauures sub-
» iects du Roy, & ramener en vne
» vraye & sinceretranquillité, & au
» port de salut, a aduisé & deliberé
» avec grande maturité de chercher
» les voyes & moyens les plus gra-
» cieux, aysez & faciles, pour compo-
» ser tous ces troubles, & velut sacro-
» sanctis Senatusconsultis hos flu-
» ctus temperare, dont chacun doit
» louer Dieu, & soy représenter la
» genereuse affection du Senat, le-

„ quel non seulement s'est voué &
„ dédié à rendre la vraye lumiere de
„ iustice, vacant à la decision & diffi-
„ nition des differens d'entre les par-
„ ties : mais aussi his turbulentis flu-
„ ctibus, trauaille & veille du tout à
„ la conseruation de l'estat & repos
„ public, & ad quasi postliminio re-
„ uocandam faciem orthodoxæ &
„ reuiuifcentis religionis. Messieurs
„ c'est chose grandement lamenta-
„ ble, comme disoit Hegesippus, pa-
„ reillemēt Hosius Cordubensis Epi-
„ scopus, & Rabanus, personages de
„ grāde integrité, de veoir illam Ec-
„ clesiæ imaginem ita misere proscif-
„ sam, deformatam & laceratā, d'au-
„ tant que nous tous qui sommes re-
„ generez eodē lauacro, & qui eun-
„ dem spiritum hausimus, deurions

• recognoistre vne seule & mesme
• foy, & toutesfois par diuersité &
• contrarieté d'opinions, Christum
• ipsum diuidim⁹ & diffecamus, tel-
• lemēt qu'il y a grand danger, ainsi
• que recite Iustin martyr, & aussi
• semblablemēt saint Hilaire, que
• souffrans & endurans telle multi-
• plicite & deguisemēt de religion,
• prorsus religionem omnem con-
• uellamus, & que les choses dege-
• nerent en atheïsme, ita vt nulla fi-
• des supersit. Pour à quoy pouruoir
• trouuons es histoires sacrées, que
• les anciens Empereurs zelateurs
• de vraye religiō, ont autrefois em-
• ployé les forces de leur esperit, afin
• de cognoistre les causes & raisons
• excitatiues de tels troubles & dis-
• sensiōs, & entres autres, que Theo-
dore

.. dose demáda à vn nommé Ascho-
.. lius Theſſalonicéſe, la raiſon pour
.. laquelle l'eglíſe Occidétale ſe con-
.. duíſoit en vne merueilleuſe tran-
.. quillité: au cōtraire l'eglíſe Orien-
.. tale eſtoit ſi agitée de ſchiſmes &
.. diuiſiōs: à quoy fit reſpōſe, que c'e-
.. ſtoit par ce que ceux de l'eglíſe Oc-
.. cidentale ſuyuoient vne ſeule &
.. ſemblable loy, ne faiſans ouuertu-
.. re, & n'admettans autre nouuelle
.. opinion. Au contraire ceux de la
.. part d'Orient ſe conduíſoient &
.. manioient ſelon la diuerſité des
.. opinions qui de iour en iour ſe pre-
.. ſentoient du tout difformes, con-
.. traíres & différentes. Fut faiète pa-
.. reille reſponſe du temps de Mar-
.. tian Empereur, ſe trauaillant mer-
.. ueilleuſement de l'incertitude, d'i-

„ uersité & varieté de la Religion, &
„ opinions desquelles l'estat Eccle-
„ siastique estoit du tout corrompu,
„ se trouua que la licence que lon
„ donoit aux nouuelles assemblées,
„ predications & administratiōs des
„ sacrements auoit apporté & ame-
„ né le trouble en l'Eglise de Dieu.
„ Et afin de n'vser de long propos,
„ dict que le feu Roy François pre-
„ mier de ce nom, que Dieu absolve,
„ voyant de son temps les troubles
„ qui estoient en l'Eglise, declara pu-
„ bliquement ce que disoit Iouinian
„ Empereur, s E Christianū Regem
„ non nisi Christianis imperare pos-
„ se: estimant par ceste declaration
„ pouuoir attirer les siens à vne con-
„ corde & vnanimité en la religion:
„ & depuis cognoissant qu'en son

• Royaume par dessus sa declara-
• tion, & mesprisant icelle, plusi-
• èurs de ses subiects parvne impu-
• nité & liberté que chacun s'estoit
• attribuée de semer nouuelles opi-
• nions, l'estat Ecclesiastique estoit
• entierement opprimé, dont proce-
• doit & dissolutiō de meurs, & euer-
• sion de repos public, feist assem-
• bler de toutes parts gens excellens
• & rares en sçauoir, Archeuesques,
• Euesques, Theologiens, Seculiers
• & reguliers, afin d'aduiser sur tous
• les poincts lesquels lon s'efforçoit
• de refriquer & ramener en dispu-
• te, & fut faicte ceste assemblée à
• Meleun, sans rien y espargner, & fi-
• nalement apres grande, longue
• & meure deliberation, le tout rap-
• porté à sa maiesté, & cōmuniqé

„ à la faculté de Theologie, furent
„ dressez les articles tels que presen-
„ tement ont esté leus & auctorisez
„ par la Court de ceans, avec defen-
„ ses & inhibitions expresses de non
„ admettre en ce royaume opinions
„ contraires à ce qui auoit esté con-
„ clud & arresté, & sur toutes choses
„ garder la sincerité de la Religion,
„ *QVÆ impuris & funestis opinio-*
„ *nibus nullo modo violanda erat.*
„ & certainement disoit estre chose
„ honteuse entre les Chrestiens, qui
„ ne deuoient receuoir, qu'une seule
„ Religion, de demourer en ceste in-
„ certitude, *ET tot sententiarum in*
„ *religione, quot fluctuum in mari*
„ *inuolutionem esse, & libidinofam*
„ *cuique de religione sententiam,*
„ comme dict Cicero in Oratione

pro domo sua ad Pōtīfices, nullum
ius certum aut definitum religio-
nis esse iis quos ab inconstātia gra-
uitas rerum, verustas & auctoritas
reuocare debebant: & que en tou-
tes arts, mesmes in Mathematicis
demonstrationibus, sunt elemēta
certa, contre lesquels il n'y a nul
moyen ny lieu de dispute. Et qu'en
la Theologie, qvæ versatur in co-
gnitione Dei & ecclesiæ sponsæ il-
lius, omnia incertis & variis opi-
nionibus vacillent. Hoc prædixe-
re Moses, Iosue, Elias, sacri Dei an-
tistites: par tant quāt à luy, loüant
& recommandant l'ordonnance
& arrest de la Court, & sinu toto
amplectens, ne peult moins fai-
re, sinon de requerir l'execution
prompte d'iceluy, & supplier que,

.. v T. sancte lex renouata est, ita sancte & inuiolabiliter seruetur.

Après qu'il eut acheué, fut leüe la matricule desdicts Aduocats, y en eut trois cens soixantesept, qui feirent leur profession de foy es mains dudiect sieur premier President, & signerēt en la maniere des autres susdicts, & en la presencede l'vn desdicts substituez, par ce que l'heure estoit tarde, lesdicts procureurs furent remis pour faire les leurs au premier iour.

Le Vendredy douziesme dudiect mois au matin à huys clos, vn Conseiller & l'vn des receueurs & payeurs de ladiecte Court, ensemble vn Conseiller du Parlement de Bourdeaux, qui demāda l'entrée au plaidoyé, feirent leurs professions de

foy es mains dudict·sieur premier
Presidēt, & les signerēt. Apres que
les huys furent ouuers, monsieur
maistre Baptiste du Mesnil Aduo-
cat du Roy en ladicte Court pour
ledit sieur Procureur general, deit
qu'il estoit aisé cognoistre que l'ar-
rest & ordonnance d'icelle Court
qu'elle mesmes auoit commencez
executer, auoient esté trouuez bōs
saincts, & esté bien receus par vn
chacun, comme lon pouuoit voir,
à ce que volontairement on s'y e-
stoit soubsmis par serment & si-
gnature de sa propre main, par-
quoy ne leur sembloit besoin vser
en cest endroict de plus amples re-
monstrances, ains seulement dire
que ce n'estoit assez d'auoir iuré &
signé, si hors la Court chacun ne

se monstroit tel par effect, que ses
serment & seing l'auoient obligé.
Oultre cela que en la famille feist
deuoir enuers ses femmes, enfans,
clercs, seruiteurs, seruantes & au-
tres, sur lesquels il auoit puissance,
leur enseignant tenir mesme foy
& religion, qui fust celle contenue
& prescrite es articles, desquels
Mercredy dernier auoir esté faicte
lecture, sur peine de s'en prendre
aux maistres: ce qu'il requist estre
dict par arrest, & qu'il fust enioinct
à tous Aduocats & Procureurs de
ladiete Court assister Dimenche
prochain à la procession. qu'elle
auoit deliberé faire, de sainte Ge-
neuiefue à saint Medard, sur telle
peine qu'elle aduiserait. Sur quoy
ladiete Court inhiba & defendit à
tous

tous les Aduocats & Procureurs
d'icelle de tenir en leurs maisons
aucuns clercs, seruiteurs, n'autres
domestiques qui fussent hereti-
ques ou suspects de la nouuel-
le opinion, ains leur enioignit les
chasser & mettre hors, ou les venir
denoncer à Iustice, sur peine de
s'en prèdre à eux, & d'en respôdre
en leurs propres & priuez noms.
Et enterinât la requeste faicte par
ledict Procureur general du Roy,
enioignit à tous lesdicts Aduocats
& Procureurs assister dimenche
prochain au matin à la procession
qui sera faicte de l'Eglise sainte
Geneuiefue iusques à celle de S.
Medard, pour l'expiation des blas-
phemes, excès & cas execrables cy
deuant commis en ladicte Eglise

sainct Medard, par les mal-sentās
de la foy. Et au surplus pour ce
qu'il y auoit aucuns aduocats qui
ne se trouuerent le dernier iour à
faire leur profession de foy, ordon
na ladicte Court, qu'ils y seroyent
receus presentemēt, auant les pro
cureurs. Ce faict trentedeux aduo
cats vindrent l'un apres l'autre fai
re leurs professiōs de foy es mains
dudict seigneur premier Presidēt,
mettrāns les mains sur ledict ta
bleau, & apres les signerēt, le tout
en la presence de l'un des substi
tuez par les Vicaires dudict si
eur Euesque de Paris. Apres fut
leuē la matricule des Procureurs
de ladicte Court, qui en leur or
dre & nombre de deux cens & vn
firent leurs dictes professions de

foyes mains dudict sieur premier
President, & signerent le tout pre
sent l'un desdicts substituez, com
me auoyent faict lesdicts Aduo
cats, puis fut plaide.

Le dimanche quatorziesme du
dict mois, ladicte Court suyuant
son dict arrest dudict sixiesme d'i
celuy mois, s'assembla au palais
enuiro les sept heures du matin,
en robes rouges & chaperons noirs:
de la alla en son ordre acoustumé
a l'Eglise sainte Geneuiefue, de
laquelle la procession partit enui
ron neuf heures, & passant par la
porte saint Marceau, toutes les
rues estans rendues de tapisseries
& autres ornemens, marcha iuf
ques audict saint Medard avecq
tresgrande assemblée de peuple en

humilité & deuotion . Fut l'ordre
de ladicte processio tel qu'il esult.


Premierement les quatre Men-
diâs, puis l'Eglise de Paris à la dex-
tre, acompaignée de celles qui ont
acoustumé la suyre. L'Eglise de
saincte Geneuiefue à la fenestre.
Monsieur l'Euesque d'Auranches
portant l'Hostie sacrée, assisté des
Abbez saincte Geneuiefue & du
Val sainte Catherine, tous trois en
habits pontificaulx. Messieurs les
Euesques d'Eureux, Bayeux, A-
myës, Glaudeue, Auxerre, Lisieux,
Chalon & Neuers, ayans leurs ro-
chers marchans deuant le poiste
porté par gens d'Eglise, & à l'en-
tour d'iceluy estoient les six plus
anciës Cōseillers de ladicte Court:
Messeigneurs les Cardinaux de

Bourbó & Armaignac ensemble,
de Lorraine & de Guyse ensemble,
tous quatre vestus de leurs grâ-
des chapes. Apres eulx monsieur
de Brissac Marechal de France,
Lieutenant general du Roy en ce-
stedicte ville, à cheual pour son in-
disposition. Puis ladicte Court en
sondict ordre acoustumé, marchât
à la main droite en nombre de
cinq, messieurs les Presidens, qua-
tre Maistres des Requestes, soixan-
te dixhuit Conseillers, sans les six
estans à l'entour dudit poille. Les
trois Greffiers, trois des quatre No-
taires, & les deux Aduocats, & le
Procureur general du Roy. Les au-
tres Aduocats & Procureurs en
grand nombre, sans les Huissiers
allans deuant, & le premier vestu

de robe d'escarlatté, entre mon-
dict sieur le premier Presidēt & le
Greffier ciuil. A la main fenestre
à l'endroit des plus anciēs Conseil-
lers, marchoyent les Preuost des
Marchans, Escheuins & corps de
la ville, suyuy de six vingts vnze
Capitaines, de ceux qui sont eleus
pour la garde & defense d'icelle,
& tresgrād nombre de Bourgeois
& marchans. En ladicte Eglise S.
Medard a esté celebrée la Messe so-
lennelle du Sacrement de l'Au-
tel par ledict sieur Euesque d'A-
uranches, seruy de Diacre par le-
dict Abbé sainte Geneuiefue, &
de Soubdiacre par ledict Abbé du
Val sainte Catherine. Aux costez
du grand autel ont esté lesdicts
sieurs Cardinaux & Euesques, la-

dicte Court es deux costez de l'E-
glise: & au chœur du costé gau-
che, lesdicts Preuost des Marchs
& Escheuins. Durant ladicte Mes-
se fut faicte la predication par vn
Docteur en Theologie, religieux
de l'ordre saint Dominique, no-
mé le Hongre, au lieu appellé le
Patriarche, l'vn des lieux esquels
ceux de la nouvelle opinion cy de-
uant faisoient publiquemēt leurs
assemblées & presches, qui fut ad-
uisé pour quelque expiation. Ladi-
cte Messe acheuée, l'Hostie sacrée
ayant esté posée en ladicte Eglise,
la procession s'en est retournée, &
l'ont recóduicte les six Cōseillers
de ladicte Court estans à l'entour
dudict poisse: chascun des autres
s'est retiré.

ENSVIVENT LES LET-
TRES PATENTES DV
Roy François, & autres piec-
leues, dessus declarées.

 FRANÇOIS par la gra-
ce de Dieu Roy de Fran-
ce, A tous ceux qui ces
presentes lettres verrôt,
salut. Comme pour pourueoir &
remedier ainsi qu'il est plus que re-
quis & necessaire, à plusieurs scan-
dales & schismes par cy deuant in-
teruenus, & mesmement en cest
aduent de Noel dernier passé, par
le moyen & à l'occasion des conté-
tions, altercatiōs & contradictions
de certains predicateurs preschās
& publians diuerses & contraires
doctrines, & à fin que telles nou-
uelletez

uelleriez & pernicieuses entreprin-
ses n'apportet à nostre religion au-
cuns inconueniens & dommages
irreparables, qu'ils pourroient fai-
re si elles estoient tolerées, noz tres-
chers & bien-amez les Doyen &
docteurs de la faculté de Theolo-
gie, de nostre bonne fille l'Vniuer-
sité de Paris, conuoquez & assen-
blez, suyuant nos vouloir & per-
suasiō, pour aduiser sur ce negoce,
ayant par meure & sincere delibe-
ration, accordé, faict & arresté les
articles cy apres de mot à mot in-
ferez, ou ils ont fidelemēt deduit
ce qui est à croire & à prescher des
poincts qui sont aujourd'hui rom-
bez en controuerse, en ce qui con-
cerne nostre sainte foy & religiō,
desquels articles la teneur s'ensuit.

D

Decanus & facultas Theologorum Parisiensis. omnibus in Christo fidelibus salutem. Cum hodie per concionatorum in asserendis dogmatibus altercationem, videamus plerosque fidelium iuxta id quod Ephesiis scribit Paulus, Tanquam paruulos fluctuantes, ad omnem ventum cuiusvis doctrinae circumferri & agitari: nostra autem intersit quod in nobis erit, dissidentes opinionum fluctus componere, de sanctissimo Christianissimi regis proposito abunde persuasi, quidnam circa articulos hodie à plerisque cōtrouersos & Christianis doctoribus & concionatoribus prædicandum, & cæteris Christi fidelibus cum vniuersa sit ecclesia credendum, paucis hoc ordine visum

est adnotare.

1 Certa & firma fide credendum est, baptisma omnibus, etiã parvulis, ad salutem necessarium esse, ac per ipsũ dari gratiã spiritus sancti.

2 Eadem fidei constantia est tenendum, homini inesse liberum arbitrium, quo potest bene vel male agere, & per quod si etiam in peccato mortali fuerit, Deo adiuvante ad gratiam resurgere valet.

3 Nec minus certum est, adultis & ratione utentibus, post peccatum mortale admissum, necessariam esse pœnitentiam, quæ in contritione & cõfessione sacramentali vocaliter sacerdoti facienda, similiter & satisfactione consistit.

4 Ad hæc peccatorẽ non sola fide, sed & bonis operibus iustificari,

quæ adeo necessaria sunt, vt sine
illis nemo ad ultus vitam cōsequa-
tur æternā.

5. Quilibet Christianus tenetur
firmiter credere in consecratione
Eucharistiæ panem & vinum con-
verti in verum Christi corpus &
sanguinem, remanentibus tantum
panis & vini speciebus, sub quibus
realiter verum Christi corpus con-
tinetur, quod ex virgine natum est
& in cruce passum.

6 Sacrificiū missæ est ex Christi in-
stitutione, valēs p̄ viuis & defūctis.

7 Non est laicis ad salutem ne-
cessaria communio sub vtrāq; spe-
cie, rectēque certis ac iustis de cau-
sis olim ab ecclesia sancitum est, vt
illis sub vna tantum panis specie
communicetur.

8 Porro solis sacerdotibus secū-
-dum ecclesie ritum ordinatis, data
est à Christo potestas consecrandi
verum Christi corpus, & in foro
pœnitentiæ à peccatis absoluendi.

9 Quos certum est etiam si mali
& in peccato mortali fuerint, con-
secrare verum Christi corpus, si-
quidem illud consecrare intendāt.

10 Cæterum confirmatio & vn-
ctio extrema, sunt duo sacramenta
à Christo instituta, per quæ datur
gratia Spiritus sancti.

11 Nec dubitandum est sanctos
& in hac mortali vita, & in paradi-
so agentes, miracula operari.

12 Sanctum est & Deo maxime
gratum orare beatam Dei genitri-
cem Mariam, & sanctos qui in cæ-
lo sunt, vt sint pro nobis aduocati

& intercessores apud Deum.

13 Si itaque sancti beatam cum Christo vitam degentes, non solum sunt imitandi, sed & venerandi, & orandi.

14 Ob idque religiose faciunt qui loca eis dicata ex deuotione visitant.

15 Si quis in templo aut extra templum prius sua oratione ad beatam virginem aut sanctorum aliquem recurrat, quam ad Deum, non peccat.

16 Nec vlllo modo addubitandum est, quin genu flectere coram imagine Crucifixi, & beatæ Mariæ, & sanctorum, ad rogandum Christum & sanctos, opus sit bonum ac pium.

17 Ad hæc firmiter credendum est, & nullatenus dubitandum, purgatorium esse, in quo animæ detentæ,

oratione, ieiunio, eleemosyna, aliisque bonis operibus iuuantur, ut citius liberentur à pœnis.

18 Teneretur & quilibet Christianus firmiter credere, vnam esse in terris vniuersalē Ecclesiā, visibilē, in fide & moribus errare non valētē, cui omnes fideles in his quę sunt fidei & morū, obedire astringuntur.

19 Quod si quid in scripturis sacris controuersię aut dubij oriatur, ad præfatā ecclesiam definire spectat & determinare.

20 Est & certum multa esse credēda quę non sunt expresse ac speciatim tradita in scripturis sacris, quę tamen per traditionē Ecclesię sunt necessariò recipienda.

21 Eodem veritatis firmamento recipiendam potestātē excommu-

nicandi, esse de iure diuino, immediate à Christo Ecclesie cōcessam, & ob id magnopere timendas esse censuras ecclesiasticas.

22 Certum est Concilium generale legitime congregatum vniuersalem representans Ecclesiam in fidei & morum determinationibus errare non posse.

23 Nec minus certum, vnum esse iure diuino summum in ecclesia Christi militante pontificem, cui omnes Christiani parere tenentur: qui quidem potestatem habet & indulgentias conferendi.

24 Constitutiones Ecclesiasticæ vt de ieiunio, delectu ciborum, de abstinentia à carnibus, aliisque multis, verè obligant in foro conscientie, etiā omni secluso scandalo.

In eodem

25 In eodem consciētiā foro vo-
ca obligāt, etiam si monastica sint,
perpetuæ scilicet continētiæ, pau-
pertatis & obedientiæ.

26 Inhibet autem Theologorum
facultas iis qui de grege suo sunt,
magistris, bacchalaureis, ac ceteris
gradum theologicum nunc & in
posterum profiteri volentibus, ne
quoquo pacto supradictis propo-
sitionibus contraria, aut in concio-
nibus prædicēt, aut in lectionibus
vel alibi doceāt: quin potius quan-
do semateria & occasio offeret, eas
populo sincere annunciēt, & aper-
te declarēt. Porro etiam decreuit
ut præfatas propositiones singuli
magistri & bacchalaurei, chiro-
graphi sui appositione confirmēt.
Et quum in suo grege lupos & im-

morigeros contentiososque alere
tutū non sit, qui huic decreto pa-
rere noluerint, & contrarias præ-
fatis propositiones docuerint, aut
in posterum prædicauerint, è suo
consortio eximendos in perpetuū
priuare decreuit. Cæterum quia
contradicendi studio, & à maio-
rum institutis discedendi plerique
nouarum rerum & doctrinarum
studiosi, laudabilem illam consue-
tudinē quæ per intercessionem
beatissimæ Virginis, spiritus san-
cti gratia imploratur, negligunt:
monemus ne tantopere à saluta-
tione illa angelica quam nobis e-
uangelium præscripsit, abhorreāt,
néve ut plerique solēt, quoties do-
mini saluatoris nostri Iesu Chri-
sti mentio occurrit, salutiferum il-

lud Iesu nomen præponere dedi-
gnetur, cõteti dicere, LE CHRIST,
præsertim quum, teste Petro, nõ sit
aliud nomen sub cælo, in quo nos
saluari oporteat. Similiter quũ di-
uorum Apostolorum, Euangelista-
rum, aut sanctorum doctorum mē-
tio inciderit, ne vti consueuerũt si-
ne vlla honoris præfatione nomi-
nēt, PAVL, IACQUES, MATTHIEV,
PIERRE, HIEROSME, AVGVSTIN,
&cæt. Neque sit eis graue addere
vocabulum sancti, & nominare.
SAINCT PIERRE, S. PAVL, &cæt.
& postremo ne defunctorum ani-
mas populi precibus commẽdare
negligant. Anno Domini M. D.
quadagesimo secũdo, die decima
mensis Martij facultas Theologiæ
congregata per iuramētũ in colle-

gio Sorbonæ super articulis præce-
dentibus, probauit hos articulos
sub forma qua scripti sunt. Sic si-
gnatum, De mandato domini De-
cani & facultatis.

FOURNIER. cum parapho.

SCA VOIR faisons que nous
desirâs sur toutes choses & de tout
nostre cueur, qu'en nostre Royau-
me treschrestien soit tousiours cō-
tinuée, gardée & entretenue l'vni-
té, intégrité & sincerité de la foy
catholique, qui est le principal fon-
demēt de nostre Royaume, & dōt
depend la prosperité de nous & d'i-
celuy: si q' apres auoir faiēt veoir
par nostre conseil priué les dessus-
dicts articles de la determination
& censure doctrinale de la faculté
de Theologie de nostre premiere

filles l'Vniuersité de Paris, & qu'ils
ont esté trouuez entierement con-
formes à la doctrine & obseruan-
ce catholique, diffinitions, & deter-
minations de nostre mere sainte e-
glise, desquelles, come Roy Tres-
chrestien, sommes en nostredit
royaume, protecteur, garde, cōser-
uateur, & executeur: & que par la
diuision des doctrines, qui seroient
ensemencées par les prescheurs en
nostredit Royaume, terres, & sei-
gneuries, s'en pourroient ensuyuir
plusieurs diuisions, & seditions en
nostre peuple, à la grāde perturba-
tion du repos, & tranquillité d'ice-
luy. Pour à ce obuier, & qu'en vnité
de foy, & doctrine, nostredit peu-
ple treschrestien soit exhorté, &
admonesté par ceux qui presche-

ront la parole de Dieu sans aucune diuision, ou contention entre eulx, auons comme cōseruateur, & executeur susdict, entant qu'à nous est, auctorisé & auctorisons lesdicts articles, & ordonné & ordonnons qu'ils soient publiez par tout nostredit Royaume, païs, terres, & seigneuries, gardez, observez & entretenus, sans aucunemēt y cōtreuenir: exhortās tous les Prelats de nostredit Royaume, païs, terres, & seigneuries, de quelque estat, qualité ou cōditiō qu'ils soiēt, & cōme cōseruateur & executeur susdict, leur enioignant enuoyer à tous & chacū les curez & vicaires de leurs Dioceses, eglises collegiales, monasteres & conuents, mendians & non médians d'iceux Dio-

ceses, ou lō a accoustumé prescher
la parole de Dieu, vne copie de ces
presentes, yn vidimus desquelles
voulons estre enuoyé à ceste fin à
chacun desdicts Prelats, en cōmā-
dant tresexpressement par lesdicts
Prelats, à tous lesdicts curez, vicai-
res, doyens & principales dignitez
des Eglises collegiales, Abbez des
monasteres, Prieurs & gardiēs des
conuēts, mendiās & non mendiās,
de garder & obseruer entierement
le cōtenu desdicts articles. En leur
defendāt tresexpressement d'y con-
treuenir, & de prescher, permet-
tre ou souffrir prescher, en leurs di-
ctes Eglises, monasteres ou con-
uents aucune chose contraire, re-
pugnāte ou dissonāte au contenu
desdicts articles de ladicte facul-

• té de Theologie directement, ou indirectement, apertement ou par mots couuerts: & que quād ils laisseront aucuns prescher, ils leur fassent faire lecture du contenu en cesdictes presentes, à fin que s'ils contreuient, ils ne puissent pretendre aucune cause d'ignorance ou excusation. Enioignōs aussi comme conseruateur & executeur susdict, à tous lesdicts Prelats de nostredict Royaume, païs, terres & seigneuries de quelque qualité qu'ils soyent, enquerir ou faire enquerir diligemmēt par leurs vicaires, officiaux ou promoteurs, cōtre les transgresseurs du contenu en cesdictes presentes, & qui auroiēt presché chose contraire, repugnante ou dissonante au contenu desdicts

dicts articles, & qu'ils procedent à
l'encôtre des coupables, diligem-
ment, & prôptement les corrigent,
& punissent exemplairemēt selon
les constitutions canoniques. Et
en leur impartissant l'ayde & con-
fort de nostre bras seculier, cōme
faire deuons, auons pareillement
de nostre part defendu & defen-
dōs trefexpressēmēt à tous les sub-
iects ou demourans en nostredict
Royaume, païs, terres, & seigneur-
ries, & autres quelcōques qui pour-
roient venir en iceluy, de prescher
publiquemēt, ou occultemēt, aper-
temēt, ou par mots couuerts, dire-
ctemēt ou indirectement aucune
chose contraire, repugnāte, ou dis-
sonante au contenu desdicts arti-
cles, sur peine d'estre tenus & repu-

tez seditieux, & perturbateurs du
repos & trāquillité de nostre repu-
blique treschrestienne, occults con-
spirateurs contre le bien & prospe-
rité de nous & de nostre estat, rebel-
les & desobeissās enuers nous & iu-
stice, & comme tels voulons qu'ils
soient punis par tous nos iuges res-
sortissans sans moyen en nos cours
de Parlement, chacun en son de-
stroict: ascauoir les lais ou simples
clercs qui n'auroient encores or-
dres sacrez, si temerairement ils s'in-
geroient de ce faire, des peines tel-
les q̄ de droit. Et quant aux gēs Ec-
clesiastiques, ayās ordre sacré, de
peine d'amende honorable, bānif-
semēt de nostre Royaume, & con-
fiscation de leurs biens patrimoni-
aux si aucuns en ont, ou autrement

ainsi que nosdicts Iuges verront estre à faire par raison: & ce pour le cas priuilegié, en les rendât quant au delict cōmū, à leurs Prelats, à la charge de la condēnatiō du cas priuilegié, s'ils procedēt à icelle, le delict & crime estās deüemēt verifiez par leur simple confession: ou à la charge dudit cas priuilegié, ou ils ne confesseroient la contrauētion & trāsgression de nosdictes defenes. Et enioignons & commādons tresexpressement à tous nosdicts iuges, sur peine de suspension de leurs estats par vn an pour la premiere faute, & de priuatiō d'iceux pour la seconde, d'estre diligens & songneux d'enquerir, ou faire enquerir, de ceux qui cōtreuiēdront, & transgresseront nosdictes de-

fenses, & de proceder à les faire cōstituer prisonniers, le plus promptement & diligemment qu'il sera possible, & leur faire & parfaire leur proces, selon droict & raison. Et enioignons aussi à nos aduocats, & procureurs, en nos sieges ressortissans sans moyen, en nosdictes courts de Parlemēt, sur les peines q̄ dessus, de poursuiuir & faire faire lesdictes informatiōs, captures & punitions exemplaires desdicts cas & crimes.

SI DONNONS en mandemēt par ces mesmes presentes à nos amez & feaulx, les gens tenans nos courts de Parlemēt de Paris, Thoulouze, Bourdeaux, Rouen, Diion, Daulphiné, Prouence, Sauoye & Piémont, & à tous nos Baillifs &

Seneschaux, Preuosts, Iuges & autres nos iusticiers & officiers, ou à leurs lieutenans, & chacun d'eulx endroit soy, sicomme à luy appartiendra, que cesdictes presentes avec lesdicts articles, & ordonnance dedans inferez, ils facent lire, publier & enregistrer, ou & ainsi que besoing sera, & iceux inuiolablement entretenir, garder & observer par lesdicts Predicateurs, & autres qu'il appartiendra, Car tel est nostre plaisir. Et pource que de cesdictes presentes lon pourra auoir affaire en plusieurs & diuers lieux, nous voulons qu'au vidimus d'icelles deüement collationné, ou fidelement imprimé par celuy ou ceux qui en auront la charge, auxquels nous auons donné & don-

nous pouuoir, priuilege, commif-
fion, & mandement efpecial de ce
faire, foy foit adiouftée comme à
ce prefent original, auquel en tes-
moing de ce nous auons faict met-
tre nostre féel. Donné à Paris le
vingt-troiefme iour de Iuillet,
L'an de grace mil cinq cens qua-
rantetrois.

Et de nostre regne le vingt-
neufiefme.

Ainsi figné, par le Roy en fon
confeil estably à Paris.

ROBERT ET.

Lecta publicata & registrata au-
dito Procuratore generali Regis
Parisiis in Parlamento vltima die
Iulij, Anno Domini millesimo

quingentesimo quadragessimoter-
tio. Sic signatum, Berruyer.

Collatio facta est cum originali
magistro Nicolao Maillard, sacrae
Theologiae vniuersitatis Paris. do-
ctori, & de consensu Procuratoris
generalis Regis reddito.

LES ARTICLES
susdicts en François.

Les Doyen & faculté de
Theologie en l'Vniuer-
sité de Paris, à tous fide-
les Chrestiens, salut.

Comme auiourd'huy nous voyons
par l'altercation d'aucuns pres-
cheurs enseignans la doctrine, plu-
sieurs fideles (selon ce qu'escript
sainct Paul aux Ephesiens) estre
comme sont petits enfans, insta-
bles & peu arrestez, agitez & me-
nez de toutes parts, & tournans à
tous vents de diuerses doctrines,
considerans que c'est nostre char-
ge composer tant qu'il nous est
possible, les flots des opinions dif-
ferentes, persuadez grandemēt du
tres-

treffainct vouloir de nostre Roy
treschrestien, auõs aduisé rediger
par escript en brief & ordre, suy-
uant ce que doiuent prescher les
docteurs & predicateurs Chrestieñs
touchant les articles par plusieurs
mis en controuerse, & les autres fi-
deles Chrestiens en croire avecq'
l'Eglise vniuerselle.

P R E M I E R E M E N T il fault
croire de certaine & ferme foy, le
Baptisme estre necessaire à tous,
mesmes aux petits enfans, pour e-
stre sauuez, & que par iceluy la gra-
ce du saint esperit est donnée.

2 De mesme constance de foy
fault tenir & croire que l'hõme a
son libre arbitre, par lequel il peult
bien ou mal faire: aussi par luy fil
est en peché mortel, peult par l'ai-

G

de de Dieu se releuer & retourner
en grace.

3 N'est moins certain, qu'à ceux
qui sont en aage & ont vſance de
raison, la penitence est necessaire
apres le peché mortel cōmis par
eux, laquelle penitēce consiste en
contrition, confession sacramen-
tale, qu'il fault verbalement faire
au prestre, & pareillement en sa-
tisfaction.

4 Adiouſtant à ce que deſſus, que
le pecheur n'est par la ſeule foy,
mais auſſi par les bōnes œuures iu-
ſtifié, qui ſōt tellemēt necessaires,
que ſans icelles nul ayant aage &
vſage de raiſon, peult obtenir la
vie eternelle.

5 Chacun Chreſtien eſt tenu ſer-
memēt croire qu'en la cōſecration

de l'Eucharistie, q̄ nous appellons
le sainct sacrement de l'Autel, les
pain & vin sont conuertis au vray
corps & sang de Iesus-Christ, &
apres ladicte consecration n'y de-
mourent que les especes desdicts
pain & vin, sous lesquelles est re-
ellement contenu le vray corps
de Iesus-Christ, lequel est nay
de la vierge, & a souffert mort en
la croix.

6 Le sacrifice de la Messe est de
l'institution de Iesus-Christ, vault
pour les viuans & trespassez.

7 La communion de ladicte Eu-
charistie sous les deux especes,
n'est aux gens lais necessaire pour
leur salut, pour ce à bon droict
pour certaines & iustes causes a

la de long temps esté par l'Eglise
ordonné, qu'audicts lais soit com-
munié soubs la seule espeece du
pain.

8. Oultre-plus la puissance de cō-
sacrer le vray corps de Iesus-christ
& d'absouldre des pechez au sacre-
ment de penitence, a este par luy
seulement donnée aux Prestres or-
donnez selon la coustume de l'E-
glise.

9. Lesquels Prestres ne fault dou-
ter, ores qu'ils soiēt mauuais & en
peché mortel, consacrer le vray
corps de Iesus-christ, pourueu que
ils ayent intention de le cōsacrer.

10. Plus les confirmation & ex-
treme vnction sont deux sacre-
mens instituez de Iesus-Christ,
par lesquels est dōnée la grace du

sainct Esperit.

11 Ne fault reuoquer en doubte
que les saincts tant ceux qui sont
en ceste vie mortelle, que ceux qui
sont en paradis, n'ayent operation
de miracles,

12 C'est chose sainte & tresagrea-
ble à Dieu, prier sa bié eureuse me-
re la vierge Marie, & les saincts e-
stans au ciel, afin qu'ils soiét pour
nous aduocats & intercesseurs en-
uers Dieu.

13 Doncques iceux saincts viuās
eureusement avec Iesus-Christ ne
doiuent seulement estre imitez,
mais venerez & priez.

14 A ceste cause ceux qui par de-
uotion visitent les lieux à eux de-
diez, le font religieusement.

15 Si aucun en l'Eglise ou hors

l'Eglise a recours par son oraison
à l'heureuse vierge Marie, ou au-
cun des saincts premieremēt qu'à
Dieu, il ne peche point.

16 Et ne fault aucunement dou-
ter, que s'agenoiller deuant l'ima-
ge du Crucifix, de l'heureuse vierge
Marie & des saincts, pour prier Je-
sus-Christ & les saincts, ne soit bō
ne œuvre & de pieté.

17 Oultre fault fermement croi-
re sans aucū doute, qu'il y a vn pur-
gatoire, ouquel les ames detenues
sont aydées par oraison, ieusne, au-
mosne, ou autres bonnes œuvres,
pour estre plus tost deliurées de
leurs peines.

18 Chacun Chrestié est tenu fer-
mement croire qu'il y a en la terre
vne Eglise vniuerselle, visible, la-

quelle ne peult errer en la foy & bones meurs, & luy sont tenus obeir tous fideles en ce qui cōcerne la foy & lesdictes bonnes meurs.

19. Que si sur les sainctes escriptures sourt aucune cōtrouerse ou doute, la definition & determination en appartient à ladicte Eglise.

20. Il est aussi certain, qu'il y a plusieurs choses qui ne sont expressement & specialement contenues es sainctes escriptures, qu'il fault neantmoins croire, & de necessité recevoir par la traditiō de l'eglise.

21. De mesme certitude de verité fault croire q̄ la puissance d'excomu-
nier est de droit diuin immediate-
mēt octroyée par Iesus-Christ à sō
Eglise, pource sōt grādemēt à craĩ-
dre les censures ecclesiastiques.

22 Il est aussi certain, que le Concile general legitimement assemblé, representant l'Eglise vniuerselle, ne peut errer es determinations de la foy & des bonnes mœurs.

23 N'est moins certain que de droit diuin y a en l'Eglise militante de Iesus-christ vn supreme eueque, auquel tous Chrestiens doiuent obeir : lequel a aussi la puissance de conferer les indulgences.

24 Les constitutions ecclesiastiques, comme celles de ieusne, discretion de viandes, abstinence de chair, & autres plusieurs choses obligent veritablemēt en conscience mesmes cessant tout scandale.

25 Les veux, encores qu'ils soiēt monastiques, c'est adire de perpetuelle

ruelle continence, pauureté & obedi-
diée obligent en conscience.

26 Et defend ladicte faculté de
Theologie à tous ceux qui sont de
sa congregation, docteurs, bache-
liers, & autres voulās desapresent
ou à l'aduenir, paruenir au degré
de ladicte faculté, qu'ils n'ensei-
gnent en leurs sermons, leçons ou
ailleurs choses contredisantes aux
susdictes propositions, mais plus
tost quand la matiere ou occasion
s'offrira, les annoncent sincere-
ment & declarent apertement au
peuple.

D'auantage ordonne ladicte fa-
culté, que chacū desdicts docteurs
& bacheliers approuue & confir-
me les susdictes propositions, par
l'apposition de son seing manuel.

H

Et pource que ce n'est chose seure
nourrir en son troupeau des loups
ny aucuns desobeissans & conten
tieux, a deliberé priuer & chasser à
iamais de sa compagnee tous ceux
d'icelle qui seront refusans signer
lesdictes propositions, ou ensei
gneront ou prescheront à l'adue
nir contraires propositions aux
susdictes.

En oultre, pource que plusieurs
par esprit de contradiction & mes
pris des institutiōs des maieurs, cu
rieux de choses & doctrines nou
uelles, sont desdaignās la louable
coustume d'implorer la grace du
S. esperit par l'intercessiō de la tres
eureuse vierge Marie, nous les ad
monestons n'auoir tāt en horreur
celle salutation angelique, la quel

le l'euangile nous a enseignée par
escript. Aussi ce que plusieurs sont
coustumiers faire toutesfois & quā
tes qu'il eschet, faire mētion de no
stre seigneur & sauueur Iesuchrist,
nous les admonestons qu'ils ne
desdaignent preposer ce nom sa
lutaire de I E S V S, & ne se conten
tent dire le Christ: mesmement
que par le tesmoignage de saint
Pierre, autre nom n'y a soubs le
ciel ouquel nous puissions estre
sauuez. Semblablement quand il
eschet faire mention des saincts
Apostres, Euangelistes, ou saincts
docteurs, qu'ils ne les nōment sans
aucune preface d'hōneur, P A V L,
I A Q V E S, M A T H I E V, P I E R R E,
H I E R O S M E, A V G V S T I N, & C.

& ne leur soit grief adiouster le
mot de Sainct, & nommer saint
Pierre, saint Paul &c. Finalement
ne soient negligens recomméder
aux prieres du peuple les ames des
trespassez.

L'an de grace mil cinq cés qua-
rante deux, le dixiesme iour du
mois de Mars, la faculté de Theo-
logie deuëment congregée par ser-
ment ou college de Sorbonne, sur
les articles precedens les a approu-
uez en la forme qu'ils s'ot escripts.
Ainsi signé, par commandemēt de
monsieur le Doyē, & de la faculté.
FOURNIER. Auecques son pa-
raphe.

Les articles susdicts ont esté tra-
duicts & extraicts des lettres pa-
tentés du Roy François premier,

enregistrées en la court de Parle-
ment, le dernier iour de Iuillet,
l'An mil cinq cens quarante trois,
par ordonnance d'icelle le neufies-
me iour de Iuin, l'an mil cinq cens
soixantedeux.

sup Ainsi signé, Du Tillet.

PROFESSION DE

F O Y.

N O V s soubsscripts Presidens
Maistres des Requestes & Cōscil-
lers, Aduocats & Procureurs gene-
raulx du Roy, Greffiers & Notai-
res de la Court de Parlement de
Paris, croyons & confessons en ve-
rité & sincerité de cueur les arti-
cles inserez & approuvez par les
lettres patentes du feu Roy Fran-

çois premier, que Dieu absolue, cy
dessus escriptes. En la foy desquels
articles nous voulös viure & mou
rir, & promettons à Dieu, à sa glo
rieuse mere, à ses Anges, & à tous
ses saincts & saintes, en la presen
ce de ceste notable compagnée,
garder & obseruer, & iceulx faire
garder & obseruer de tout nostre
pouuoir, aux subiects du Roy no
stre souuerain seigneur, sans faire
ne souffrir estre fait aucune cho
se au contraire directement ou in
directement en quelque maniere
que ce soit, sur les peines portées
par l'arrest donné, les chambres d'i
celle court assemblées le sixiesme
du present mois. Et ainsi le iurons
& promettons. En tesmoing de
quoy nous auons soubz-signé de

nostre propre main ceste presente
profession & declaration le neuf-
iesme iour du mois de Iuin, l'An
mil cinq cens soixante deux.

N o v s soubs signez Huissiers
& clerks des Greffes de la court de
Parlemēt de Paris, croyons & con-
fessons, &c. le x. iour du mois de
Iuin l'an mil cinq cēs soixāte deux.

N o v s Aduocats & Procureurs
de la court de Parlement, croyons
& confessons &c. le dixiesme iour
du mois de Iuin, l'an mil cinq cens
soixante deux.

Ces deux formes au residu sont
conformes à celle de messieurs les
Presidens, Maistres des Requestes

& Conseillers, gens du Roy, Gref
fiers & Notaires de ladicte Court
cy dessus inferée.

S V B S T I T U T I O N D E S

Vicaires de monsieur l'Euef-
que de Paris.

I A C O B V S Quetier of-
ficialis , & Philippus
Briault insignis ecclesie
Parisiensis Canonici, re-
uerendi in Christo patris & Domi-
ni domini Eustachij du Bellay,
Dei & sanctæ sedis Apostolicæ gra-
tia Parisiensis Episcopi , à suis
ciuitate & diocesi notorie absen-
tis, in spiritualibus & temporali-
bus, cum clausula & potestate sub-
stituendi, generalès vicarij, nobili-
bus & egregijs viris dominis & ma-
gist

gistris Nicolao Preuost inquestarū Presidi, & Iacobo Verius, dictæ Ecclesiæ Parisiensis Canonicis, & Domini nostri Regis in Senatu Parisiensi consiliariis, salutem in domino. Quoniam his omnibus quę nobis rationē dicti vicariatus incumbunt, ceteris rationibus sufficere non possumus, maximè verò in causis fidei & religionis Catholicę his temporibus adeò afflictæ, vt nisi Domini nostri Iesu Christi verbis & promissione eam vsque ad consummationem seculi perman-suram certū haberemus, de eadem actum verisimiliter esset. Idcirco vos & vestrum quēlibet in solidū, de quorū fidelitate & insigni probitate & diligentia non immeritò confidimus, eiusdē reuerēdi patris

Domini Parisiensis episcopi in hac
parte vicaria in spiritualibus & tē-
poralib⁹ potestate nobis in prēmif-
sis concessa substituimus, facimus
& deputamus, dantes vobis & ve-
strum cui libet & promittētes spe-
cialē & expressam potestatem à
quibuscunque presidentibus, ma-
gistris requestarum, consiliariis,
gētibus regiis, graphariis, notariis,
cæterisq; personis curiæ Parlamen-
ti, fidei Christianæ & Catholicæ
professionem, si illam emittere vo-
lēt recipiēdi, necnon omnia & sin-
gula quæ idem Dominus Reuerē-
dus si presens adesset, aut nos loco
ipsius facere possemus, facien-
di & exequendi, promittentes om-
nia per vos aut alterum vestrum sic
gerenda & exercenda, & quacun-

que circa præmissa feceritis, eundem reuerendum Dominum Parisiensem Episcopum, prout nobis suis literis vicariatus concessit & pollicitus est, & nos ratum & gratum habiturum, & habituros prout ratum & gratum ex nunc habemus.

In quorum omnium & singulorum fidem & testimoniū præmissorum, sigillum cameræ ipsius reuerendi patris literis præsentibus duximus apponendum. Datum & actum Parisiis, anno Domini millesimo quingentesimo sexagesimo secundo, die septima mensis Iunij. Ainsî signé

De mandato dominorum vicariorum substituentium, N. Haton.
& sceillé du sceel dudict Euesque.

Faict à Paris par ordonnance d'i
celle Court, le xv. iour de Iuin, l'an
mil cinq cens soixante deux.

Ainsi signé

DV TILLET.